

地 260.139
32
: 8

卷之十九

藝文志 上

卷之二十

藝文志 下

濟江縣志

潛江縣志卷之十九

知縣事劉煥纂修

邑人朱載震編著

門人莫扈儲校正

藝文志上

詩 閩秀附

大哉文乎刻之金石與天壤相弊書之竹素與日月並
懸者其文傳其人斯傳潛固屈宋故墟濬啟名賢挾冊
如林懷經成市亦幾琳瑯觸目矣延祐間波臣與民爭
土邑乃播遷文獻殘逸碑版沈沒莫考累代傳文遂如
牛宮之水螿埳之林不能浮天谷王拂日若木良可痛

潛江縣志

卷十九 藝文志上

一

惜故舊牒所載皆百年以內書寧無荒落兼之簡拔弗
精莠苗莫辨似非所以清源流而光簡冊也爰撿諸國
史稽諸家乘歷來詞客賢尹之所撰述若詩若文其隨
事因類者已散載各卷茲復採掇往近體什附以閩秀
錦文椒頌史不廢書義例然耳奏疏傳記書序雜著有
關於興革之數風化之原而言猶雅馴者錄之以備故
實寧嚴勿濫寧約勿冗雖有十城之珠不敢紆樓船而
過之其亦觀要貴博觀書貴要之意作藝文志

詩

閩秀附



水傷稼 并序

唐許渾 鄆州刺史

此鄉雖自夏無雨江邊多穡油然可觀秋八月
天清日朗漢水泛濫人實為災軫念疲羸因賦

四韻

西北樓開四望通殘霞成綺月懸弓江村夜漲浮天水
澤國秋生動地風高下綠苗千頃盡新陳紅粟萬廂空
才微分薄憂何益卻欲回心學釣翁

漢水

宋蘇軾 眉州

捨棹忽逾月沙塵困遠行襄陽逢漢水偶似蜀江清蜀

潛江縣志

卷十九 藝文志上

二

江固浩蕩中有蛟與鯨漢水亦云廣欲涉安敢輕文王
化南國遊女儼如卿洲中浣紗子環珮鏘鏘鳴古風隨
世變寒水空泠泠遇之不敢慢竚立整冠纓

贈南華翁林子山

宋畢漸 邑人

兒童聞說子山名將謂先生是古人海上偶經仙洞府
巖前猶見玉精神南華久徹逍遙夢兜率重來自在身
携得新詩天上去不教辜負到全閩

按陳子兼捫蝨新話載畢狀元漸使福建日嘗按部
過羅原時南華翁林子山致仕居南華洞年已八十
以詩送之有當年春榜首傳名對御如君有幾人
畢公和贈此詩人言畢狀元眉目如畫詩詞亦

按今青瑣集中多載當時諸公贈子山詩而獨此詩故記于此以補青瑣之闕公潛人也自潛爲新邑舊牒散亾公之文行遂畧不可考爰搜別帙得此篇亦鄧林之一枝云

江漢歌五首

明童承叙 沔陽

沔陽之水接潛沱撥漿仍衝三筮波行吟詞客遠遊去
臥聽孺子滄浪歌

荆山郢樹照南洲江漢滔滔天際流神女不來雲雨暮
騷人一去蕙蘭秋

漢水西從蟠峽流蜀江東連雲夢洲有時蛟龍鬪風雨
恍惚疑是楚王遊

潛江縣志 卷十九 藝文志上

三

清江抱村村樹齊水風不動浦雲低嬌女刺船溪港裏
聞歌只在芰荷西

漢水東連吳楚中陽翟賈船呼北風船頭帆擁浪花白
柁底纜牽菱葉紅

潛江憫澇

明張居正 江陵

水齧平隄沙岸迴野田空見荻花開江濤挾雨秋仍壯
旅鴈衝寒暮獨來歲晚風霜歛客枕夜淡燈火傍漁臺
悲時亦有江南賦愁聽荒城鼓角哀

志初幼嘉 孝廉還潛江三首 前人

夔子重來二月初翩翩意氣曳長裾金門未獻甘泉賦
宣室何人問子虛太乙夜然東壁火天池時化北溟魚
乾坤歲歲浮春色環珮相將待禁廬

黃鶴樓中憶舊行白蘋江上此離腸天邊日氣殘鳩鵲
帝里重華照驪驪燕士從來先郭隗漢庭那得老馮唐
思君何處堪情切草色青青滿建章

秋深鴻雁落汀洲嘹唳西風動客愁月下綠尊同郢曲
天涯青眼對吳鉤蕭關笳鼓驚寒柝澤國芙蓉念敝裘
愛爾明珠羅萬顆逢人莫向暗中投

潛江縣志 卷十九 藝文志上 四

送張少渠 師載 之勤 前人

客路悲千里離旌指四明風煙連澤國秋雨緩王程迢
遞雙鳧遠翩翩一鶴輕碧雲搖落候相送若為情

潛江阻雨時奉使交趾 明魯鐸 景陵

連日南榮足雨聲朝來猶未見朱明親闈引首才三舍
王事驚心第一程文錦被寒迴短夢素琴絃澁負長清
客懷自與愁相值曉鏡真堪白髮生

自潛江登舟詣景陵 明楊琚 大叅

纔罷荆襄馬上遊寒風却棹沔陽舟蒼波碧浪三灣晚

白草武蘆兩岸秋日落櫓聲驚宿雁月明笳韻起眠鷗
榜人欲識旬宣意王澤應教廣布流

舟過潛江白泱驛

前人

日斜月已生一炷波光白風氣入夕加復流響滿渚卸
帆買魚船投港遠歸客隔水聞漁歌數聲天地窄

丙辰歲計為含沙所中量移而歸途中口占十首

遺潛知己

潛江知縣 王念祖 武進

棄置何須問招尤早自知大都用我法總不合時宜民
事痼瘵隱君門道路迷微臣心匪石百折恐難移

潛江縣志

卷十九 藝文志上

五

出山各有為吾意在蒼生飢渴真由我憂勞豈愛名初
心能不負去國亦為榮所恨時多難三年績未成

漢水分流遠皇恩賜決排

以嘗奉旨開故

古今詎異勢

昔以景民告開

今以景民議塞

遠近故相猜啼口終難掩

泗港故道而欲塞

癰瘍曷任

開趙林決口而不築

讒言別有為實豈剝膚災

榜余罪者以開泗港為首

崔符頻受警吾計欲擒王餘黨開三面清謠滿一方情
經百審定勢挾萬金狂狡兇誰為窟鷹鷂反見傷

希望為罪之二

以冤盜沈

三年廿九瘁兩事拚平生未當遷人罪翻成慙吏名憂

兼勞可惜心與跡俱明去去吾何憾飄然兩袖輕
量移灰未冷慙負上人知推轂情方切院司道府一時無不謬舉者
含沙事獨奇大權誰得假公論竟難持司府力破金何辯不解
當惜能無世道悲

偏強流俗駭謠詠楚人風竿牘胡相絕交遊盍稍通民情差不負身計實非工莫訝悠悠口唯然道合窮

丁時吾獨否作活水波中僅免凶溝壑巡歷隄堦幾沒者再長驚

聚蟻蜂大盜時有共憐投吏網自謂脫藩籠欣喜生還

日迂迴路未窮

潛江縣志 卷十九 藝文志上 六

平生罹百變似此政尋常身外功名幻塵中歲月忙清
萃原夢斷閒吟亦途長誰解狂生意開籠放鳥翔
一行爲下吏樂事總相違詩酒情都遠湖山夢到稀浮
雲迷白眼行色變緇衣自此菱溪上菴茨且息機

送王孝先明府左遷還毘陵

張承字 邑人

擬向君門借寇恂胡然頓起庾公塵躬還吳下名還楚
罪在官中功在民一郡淚隨千里水二年恩剩百花春
浮雲寵辱何堪問可柰蒼生屬望身

送柴慎菴

恪 入計 時令無錫

明 王穉登 太原

仁風三載遍梁溪陌上甘棠蔽芾齊馬首河山三晉北
日邊宮殿五陵西政分宓子琴中治名共田郎在裏題
二月春風歸及早蒼生何限望雲霓

天啟二年郵典下柴慎菴先生得贈璽丞讀令子

如鄉吉鄉所示仁孝錄賦贈

明譚元春 景陵

六年清白吏幾日部郎官遷客遭何偶明君報已難九
原懷佗條三聖事辛酸簪履存前詔絲綸煥後觀精忠
依廟社魂魄肅衣冠榮彼墓邊草羨君堦下蘭有情陳
小疏無事容長安五色雲交覆焉知薤露溥

潛江縣志

卷十九

藝文志上

七

宰豐縣有兄弟訟者會其母以貞節當旌書此諭
之 見徐州志 李崇信 邑人

五倫有夫婦長幼非細故一爲物所移骨肉永弗顧從
一以俟歿孑然見裙布北堂媿儀型勿俾鬚眉惡

已卯秋闈

昌吉

與子

增姪

璫環

同雋楚王公譏賜

詢先德卽席賦獻

劉昌吉

邑人

明問恭承內使宣焚薰拜手倚宮傳狗公職父前廷尉
許國臣兄古孝廉家世敬官生事少詩書奉教力田先
自惟聖主賢臣福犬豕捐糜敢負天

癸未舟中聞邑人歐陽岫嘯嘯罵賊遇害孝廉朱

符禹士完以不欲辱賊死 前 人

死生大義抱孤城吾黨欣傳未死名官起專經差不辱

謂岫材高異等宰相成謂符禹血流數斗文章在氣蓋千

尋海嶽清會向冥途修世好通家慰藉各分明岫嘯歐陽觀泉

公子早孤父事先中憲先中憲教訓之以成符禹之先人亦先中憲弟子

大水歎 歐陽烝邑人

水不舍和莽傾注下遣天吳非帝怒陰陽回薄自無心

萬物遂云為我故土偶人兼木偶人相惜相嘲無是處

潛江縣志 卷十九藝文志上 八

蟻子浮沉杯水間世界寬平了未悟禾黍芄芄給甚須

已生已養農夫悞點漆丹砂結實齊豈肯區分勤愛護

瞬目張喉關五行儒者紛紛爭理數有人在下我不輔

幾日平章課失度欲笑不得泣不可怨之不敢孰敢訴

水火刀兵劫等耳殺人如草誰曾怒開落還隨陌上花

沾濡亦有枝頭露遽然大覺仰視天白鳥漠漠飛過田

老農歎 前 人

老農見客不暇哭牽我衣裳語陸續此身幸免走峻踐

有室依然如轉燭我財雖等官家財官家取我無時足

江邊小艇泣明月肥牛原上戀瘦犢人出公門意氣驕
近之不敢矧敢觸愛惜田園亦等閒訟入公庭那得出
此方之人何苦辛此時之心焉係屬笑而不答我心苦
呼兒掩門聽我語兒驚反走掩口啼籬頭肅肅來風雨
一樣南人面貌同學操北音咬似虎羣鷄亂叫飛上樹
轉手縛鷄恣喧怒主人塞默無顏色亭長牽之使出戶
氣息纔通言未了抽刀亂打聲無數塘兵月米持大升
官兵曳船要夫去

秋田歎

劉肇國 邑人

潛江縣志

卷十九

藝文志上

九

禾苗猶在田借貸輸官稅積雨失堤塍占天猶望歲風
飛羽檄馳星速軍需繼奉法寧浮額急公增協濟隨時
巧立名頭會非常例所願西成時水田猶斂穡詎識馮
夷心漸爲汜濫勢蓬簷浮芰荷一望天無際餒歎復何
言幸生亦累贅負逋不得償取索方無藝水面扁舟來
里胥色甚厲軍行急預支官長抉雙背入市早爲謀勿
致相連繫臨風無一言望若揮長涕

時宰邑者臨
海棄公臣遇

送別韓晴嵐明府

劉珏 邑人

茂載潛陽尹言歸及此時行囊無長物父老有遺思宦

海波原險

公以清廉不合時宜去

水壺擦莫知分襟多少淚揮灑

在江湄

康熙甲辰春二月園丁充西征運夫秋盡未還哀
其婦之哭也作征婦吟四首

朱士尊

邑人

桃李初華卽遠征蹉跎霜夢又含英筵筭難卜歸人候
蟋蟀誰憐永夜聲廟筭未陳平治策將軍空築受降城
無端頻向江干望但見天邊雁字橫

傳聞水漲南陽河郎渡河當未漲麼天子英同漢武帝
將軍勇似趙廉頗三年介冑思歸馬四海瘡痍祝止戈

潛江縣志

卷十九

藝文志上

十

倘得瓜期人蚤代還家教妾唱鏡歌

思夫千里罷鳴機砧杵聲高月不暉老至難充周爪士
人來不寄蜀當歸可憐西去無東作又聽秋殘著夏衣
昨日凭橋臨水照不知首上已蓬飛

送郎和淚渡西陂膽落農人伴虎鬚縱過豐林難避暑
可憐負米不療饑頻看白骨埋青嶂遂使狐衣泣豹皮
介士尚須堅百戰窮巖猶未建降旗

甲辰夏六月霪雨連旬軍興未輟旣腹枵于輸輓
復膽落于追呼漫成西山三首

前人

子文爲夢菜爲顏吞紙終難裨食艱楚國悲秋惟宋玉
漢庭雪涕有君山雀彈未必非珠墮厖馬誰云與壁還
不是弦聲驚隊羽瘡鴻原自怯虛彎

盤溪歷盡此孱顏驪首雲中陟步艱半夜走燐催急雨

一軍傳煦欲漂山但聞河漲淡無渡遂使征人去不還

開南陽河水漲運夫溺者無筭太息哉生經兩朏茅簷不掛一輪彎

何日相逢一破顏天心此際倍多艱未容狐鼠潛秦地

又見欃槍照楚山西寇李闡之裔石蕤每思將雨至土龍常恐

帶珠還荷鋤縱切同仇意鑄得金弓不可彎

潛江縣志 卷十九 藝文志上

七

前題次韻

張締之 邑人

暑雨何關慘阻顏邊庭供億轉輸艱貧村煮水愁通屋
倦旅穿珠淚過山數戶殘丁惟老在幾家葶甲望征還
泥零負弩傷孱弱爲國寧辭借半彎

前題次韻

廖燧 邑人

黃金難鑄一愁顏藉照茅廬海日艱圖寫流亾朝北斗
陣開雲鳥駐西山田間點點波滌折雨裏紛紛檄往還
生女鬻來輸國賦何曾出閣惜弓彎

河決京山

潛江知縣 王又旦

襄樊東下波漸漸高風吹浪幾時恬百川之長背卑謙
五月五日憂如惓二女擁珮手摻摻黑旗皂幢錦作幘
乃與土德有猜嫌欺爾微弱較鈍鉛山崩厓圯勢不淹
湔淪瀛瀛驚觀瞻大呼其類無巨織獮獺鯨鯢魴鱣
六眸三足奉令嚴河伯破礮衣襜襜溷溷澎湃意不戢
若通項冥威勢兼乃使神颯肆詖儉招屏翳遂遣飛廉
望舒離虎警夜占長雲不斷雨囊囊十旬茫昧烏與瞻
地軸坼裂如縞綬泣訴于帝乞光炎帝曰彼勢不可錯
奔逸不異馬脫柑潛漉之波冬自潛邛南災禋日益添

潛江縣志

卷十九

藝文志上

三

有田無歲不蒼蒹修築徒勞邑中黔惓惓忽忽野無蕪
五才通用亦互殲嗚呼其苦在茅檐

趨趨

時患疾居隄上

前人

趨趨趨趨滯于漢浦十日邁疾有懷自撫塊鞠而宿倚
人而偃不敢告勞猶行中野繁思無方其紛如縷矻矻
楫楫亦莫可補荆棘刺天平路伊拒相彼詰曲手無利
斧譏譏之言孔多于下不任我力實來衆煦求甘食藜
不如種杜庶幾旋鱸志在林莽

五月憇于堂

憇于堂不能
退食于室也

前人

煩溽晚未歇城柝無多晷慙慙我何心竟夜頻坐起
昕澥日動胥隸侍如壘簿書自闕亂倉皇牀憂喜巫馬
庶可學伐檀夙所耻平疇走天吳沉溺到稂莠荒政靳
寬典時艱未堪弭王事重轉輸督責豈得已展我蘄州
箠欲憇還復止薄俗善謠詠紛紛無一是中懷誰能知
請諒荷篠子

多雨二首

前人

彌望陂塘滿冥濛二月昏神龍驕不去水鳥散還翻
冷全無食籬疎半閉門聖朝憂害稼執政肯輕論

潛江縣志

卷十九 藝文志上

三

萬慮惟搔首哀歌意更賒高天如有漏積水總無涯
野宿逢枯葦朝殮傍蔣牙最憐防漢漲版築數千家

雨中大水決隄聞王幼華

又曰

明府奔走隄上憂

勞已甚詩用相寬

三原

孫枝蔚

羽人

卑濕潛江縣終朝雨滯滏陽鳥常失意神女定何心
村有蛟螭橫堂無燕雀臨裘真披五月壺果值千金隄
決隣相報途窮我自尋老看江滾滾愁益病泔泔列子
未能學 鄭子陽輸粟于列子列子不受武城良所欽
故人百里辛新罷七絃琴但想蠲租詔如聞解慍音
箠歌易就精衛力難

任夢訝波濤驗

前數日幼華爲余述夢頗以大水決隄爲慮

憂兼簿領湫流

離悲赤子佻達憶青衿貧苦原從昔勤勞直至今高才
一作吏那得更狂吟

雨中聞水漲遣悶二首

前人

陰雨何時霽蛟螭橫作威蕪秦金已盡阮籍淚常揮白
髮愁中滿朱顏病後非連天惟漢水心怯敢言魑
五月寒如此風聲怒水涯楚天疑有漏澤國半無家浩
歎樓中客長啼廟後鴉石榴太輕薄屋角徧開花

漢水

前人

潛江縣志

卷十九

藝文志上詩

古

江流濶南紀漢水滯東隄已報長隄決還愁小艇稀黑
雲朝不散白鳥夜難飛夏與冬無別何勞製葛衣

大水後呈王幼華明府

前人

年少長安得意人于今憔悴復清貧竟同飯顆山前叟

幼華行隄視水
魁來益甚瘦

邠識河陽縣裏春自決新隄詩更怨相逢舊好酒須醇可憐常抱文書窹誰解輕裘覆爾身

水上呈幼華明府五首

周廷彬

邑人

漢水自西下堰檢俾東折艮岨坎勢窮峻嶒百重絕出
險潛沔合竹箭迅飄瞥至此山將盡怒濤易奔決上潰

下則壑同災宜共憒波豪忽吞噬國小易陵蔑版築委
一方彈丸薪石竭及此再潰時彼此皆魚鱉皇皇我公
上至仁伏教築修扞今則平成功肆懌悅

潤下稱坎德朝宗紀水治龍門河渠書蘭臺溝洫志古
來重其職京縣理無異王臣融軫域况乃皆國事儲胥
與民命俯仰于斯寄矢公復矢慎底績萬年賜

田下水身高奔注如騰驤人力與之爭兩岸峻隄防一
區防一區人自護其疆澤國誰昔然古謀豈不臧今云
係門戶家室委懷囊耒耜載異縣眸瞻懸故鄉正月尚

潛江縣志

卷十九

藝文志上

十五

斥鹵三月桃花浪止者行復流流者復何望溝壑不足
恤殿最亦可商君門遠萬里况乎階與堂君子方得輿
庶幾速降祥

當年沙洋潰浩瀚殫千里江陵張相國已溺以爲耻沈
玉塞長菱功成比瓠子晏然數十年若崩將告圯賢哉
二千石馬公逢幹其否礎石築危岸至今巋然峙雙閣

亘天中宣房差可擬

清惠林司馬

文

蒞事凜冰蘖往時黃灣口數里悼滇汎

公曰時予率黽勉廢眠啜令下懼聲動萬杵雷奮擊役

曾不踰時功與沙隄將億兆歌如雲兩賢躋峻列今茲
復逢公前後合芳轍

隄再決八首

朱士尊 邑人

餘生當此日幽憂遂終始逸身本無技牛衣泣妻子蚤
知虧一簣何如一簣止

豈不適樂郊何處覓安宅記自戊戌來家家廢襪襍誰
復計三秋今已無二麥

猶然古蟠冢浩浩至大別猶然昔潛江赤子化魚鱉拯
溺當有道胡爲罪蟻穴

潛江縣志

卷十九

藝文志上

六

野雀動成羣息羽簷邊立怪我厨煙冷詫我聲於邑與
爾共長饑羨爾無徭役

習俗謀生計精神田宅裏豈知頽衣人盡是純袴子嗟
哉連阡陌在在竭人髓

年年事版築窮民趾欲穿河伯何太侈易視此金錢金
錢輸在官兒女已各天

東流何日盡搔首向河湄谷陵非無意滄桑應有期寄
語布穀鳥農夫已流離

四野炊煙斷淋淋雨不休奈何當夏日凜凜似淡秋子

遠尚不念視民如浮游

吾生篇

莫與先 邑人

吾生一腐儒抱經兼學稽藉虞夏頹齒毋也髦且鬢追
惟牽絲年嬰疹動顛蹙臥眎凋劫民念之腸內熱竊追
尸位罰懣然籍有黑曰黓稼下地水潦謹坊墮亢曠殊
不料澤腹盡坼裂徂秋埜田空黃雀徒喑喑年年汎舟
役潛水南支竭既乏肇牽資孰尋乾餽責揚袂安所如
誑饑謀已拙符訾非土產亦未饒榆屑廣枯肺半灼麴
敗喉全蝥此物既克糧踊貴等一切草木幸有根託見

潛江縣志

卷十九

藝文志上

七

恣採掘詎諳伊耆經罕究汜勝筴爲毒則已矣無害苟
日月吾廬恒晝揜木落蟬秋咽饑鳥啄我屋颺嘯繞坐
側可笑門東兒劇啼碎盎鬲平頭數百指痛於塞垣客
流迸縱所務新主卿審擇顏厚語誦誦緩歿指牟麥踐
跋此卒歲種種難具說歲改蝥漸啓野梅香遠洩訪梅
涸東隣乍喜麥穎拆吾弟散朗人來往同步屨老母頗
愛梅一嗅發愉色譽麥向妻兒聊慰忍匱闕匱闕那可
忍天事有叵測是夜風雨惡礮礮吁可駭霾曠且淹旬
硬雨 也交積雪朝來田父泣蘄蘄若抽磔縱然及首夏

何以飽賢蕤惜哉青帝權而爲司寒竊三老訝未曾雪
到牛骨沒嚴飈穿縕裔指直不得結樵蘓道復劉勞薪
遠莫擷冰摧中林條稍稍事楫拙苦寒亦斃爾放愁實
未得僵臥了無營開帙瞖兩睫耻逢雒令埽翻憶漢使
嚙遙憐隴頭水千里墟煙歇近聞武谿淡鼓鞞方震疊
臺軍上牢屯凍瘕緣帶嶮縑條挂解壁科歛溢符牒哀
哀寡婦哭高高蔀罔徹大運自古來吞聲泣勿啜

河上謠四首

劉璇 邑人

昨夜決河東今日河西濱三冬謀食役且耕都在別鄉

潛江縣志

卷十九

藝文志上

六

貧纔得隄成麥始黃一穗不得刈 久謂他人昆久謂
他人父使君溫語招我歸念我流離苦不如生別在他
鄉淚迸落乾土 河水難充饑河水難充稅不忍逋逃
負使君點金珠無計縱使行善及枯骨汪洋何處瘞
急流高一丈白沙淤九尺鼉爲洞兮蛟爲宮瀦我田與
宅我生胡爲丁此厄愁歎復愁役

流亾歎

李世儒 邑人

側徑無停輪危巢有迅翼吁嗟彼流人一去不同惑黃
鳥良願違北風亦心惻蹲鴟大如斗聊復緩饑色東魯

有遺俗尼父重去國周道倘雲散避地將無亟善學柳
下者可爲智士式

水上雜詩四首

歐陽錫疇 邑人

天心未厭亂洛水仍橫流赤日魚龍舞青林鸚蛤遊萍
花衣短榻帆影走高樓寥落悲生事無門可訴愁
風雨夜淒淒遙聞四野啼有天難置問無地得安棲兒
女聚盂飯雞豚爭尺隄書生空淚灑何策救烝黎
一峯橫遠岸萬水遶孤村是處橋梁沒誰家戶牖存龜
鼉吹駭浪罔象嘯黃昏租吏偏羸膽追呼夜到門

潛江縣志

卷十九 藝文志上

九

落落此身在如雲不繫天老人惟一卷窮我是多田束
手但愁坐埋頭姑醉眠還將流水意寫恨按朱絃

維潛贈王幼華明府

十一章
章四句

黃里

沔陽

維漢有潛維江有沱既見君子我樂如何 何川無楫
何阪無車匪駕匪游胡爲徐徐 山不能高澤不能深
山澤之氣膚寸觸陰 有碑在輿有典在冊我誦我吟
未嘗間隔 我之懷矣云胡不歸敢以愆期負此良媒
夫子之惠羣黎爲德子弟田疇是訓是殖 夫子之
守不違其素匪茹彼柔惟剛不吐 夫子之文爲章于

天眞諾周行清風穆然 帝奏諛韶王陳幽雅洋洋嘉
言歛笙酌畢 載紀循吏爰重儒林瑟彼玉瓚匪楚之
琛 野老所欣實維稼穡願受一廛憇此樂國

附 閨秀

閨中雜詠 選六首

憶母

張氏 邑人張徵君承宇姊

執手別來歲幾周白雲親舍夢悠悠異鄉恨少書魚雁
故國愁多風馬牛淚雨相隨枕畔夜鬢霜獨對鏡中秋
近來添得心頭苦聞說離家更遠遊

潛江縣志 卷十九 藝文志上

三

燈前

愁來夜永未成眠挑盡殘燈檢舊編班女繼兄成國史
木蘭代父淨烽煙懶將脂粉同兒女恨不鬚眉學聖賢
奄奄藥餌惟多病跼踏閨中了百年

感燕

九十春光去庭前看燕飛啣泥辛苦意感激憶慈幃

讀詩

病廢機梭老廢蠶牙籤煙墨性偏耽唐詩元曲都收捲
且向紗窗讀二南

慰夫

香山集裡常稱病子美詩中屢歎貧斗酒百篇猶自足
何須屑屑苦吟呻

讀史詠子房

子房稱病藏機早只待功成辭漢家已復韓仇無所事
此心原自在煙霞

題閨中雜詠後

有序

張承宇

邑人

閨中雜詠者吾姊之所作也姊幼慧工詩適荆
門王生伯每有事筆硯輒焚之年五十始寄余

潛江縣志

卷十九

藝文志上

三

詩一帙余卒讀為題其後

杜陵有妹在天涯姊亦荆門少見時三載素書惟寄淚
兩頭白髮始傳詩誰知閨閣能高適翻覺鬚眉媿左思
天壤王郎殊足賴莫因詠雪便相欺